

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02 Atugarissaarnermut ataatsimiititaliap aningaasaqarnikkut 2020-mi kvartal aappaani nalunaarutaa**

**Imm. 03 Sisimiuni Puigortunngortunut immikkoortortamik 20-nik inissalimik sanaartornermut atatillugu igaffimmik errorsisarfimmillu ingerlatseqatigiissinnaanermi sipaarutaasinnaasunik misissuineq.**

**Suliassat nalignnaasut**

**Imm. 04 Kommunalbestyrelsimi ilaasortanut nalunaarutiginnittussaataaneq**

**Imm. 05 Peqatigiiffik Kalaallit Meerartaanut kiisalu Peqatigiiffik Kalaallit Meerartaanit ukiumut nalunaarusiamut Qeqqata Kommunianit tapersiilluni allagaqaat pillugu ilisimatitsissut**

**Paasissutissiissutit**

**Imm. 06 Ilisimatitsissut inuit innarluutilinnut tapersorsorneqarnissaat pillugu nalunaarutaanik tusarniaaneq**

**Imm. 07 Tamalaat**

Ataatsimiinneq aallartippoq nal. 09:02

*Peqataasut:*

*Atassut*

*Siumut*

Hans Frederik Olsen, Siulittaasoq, Sisimiut  
Erik Jensen, Sisimiut

*Inuit Ataqtigiit*

Carl Christian. Olsen, Sisimiut

*Nalunaaruteqarlutik peqataannngitsut:*

Juliane Enoksen, Siulittaasup tullia Sisimiut  
Jakob Olsen, S, Kangerlussuaq , Juliane Enoksen-imut siinniisoq  
Anna Karen Hoffmann, A, Kangerlussuaq  
Emilie Olsen, S, Sisimiut, Anna Karen Hoffmann-imut sinniisoq

*Nalunaaruteqaratik peqataannngitsut*

## **Imm. 01 Oqaluuserisassat akuersissutigineri**

### **Aalajangiineq**

Akuersissutigineqarpoq.

Tamalaani Erik Jensen, bugdetseminareqarnissaq, Maniitsumi angalanissaq innuttaasunullu ataatsimiisitsinissaq pillugit apeqqutissaqarpoq.

**Aningaasaqarnermut tunngasut**

**Imm. 02 Atugarissaarnermut ataatsimiititaliap aningaasaqarnikkut 2020-mi kvartal aappaani nalunaarutaa.**

*Journalnr. XX.XX.XX*

**Tunuliaqutaq**

Ukiup ingerlanerani ingerlatsivinni qaammatit pingasukkaarlugit atuiffiit pingaarnerit qullersaqarfimmit nalunaarusiorneqartassapput. Matumuuna Atugarissaarnermut immikkoortortaqaarfimmiit 2020-imi kvartal aappaani naanerani nalunaarut saqqummiunneqarpoq.

**Maleruagassatigut tunngavigisaaq**

Qeqqata Kommuniani karseqarnermut naatsorsuuteqarnermullu najoqqutassiaq. Aningasaqarneq pillugu nalunaarusiortarneq, missingersuutitigullu malinnaatitsisarnissaaq pillugu Qeqqata Kommuniani ilitsersuut.

**Pissutsit atuuttut**

Aningaasaqarnermut takussutissat ataaniittut 2020-mi juni 17-ani naatsorsorneqartuni kisitsini oqimaaqatigiissitsinermit aallaaveqarput.

Pisortat ataatsimoorussamik naatsorsuuserinermit systemip ataani atuinissaannik kommunit namminersorlutillu oqartussat peqquneqarfigineqarnikuusaannik, ilutsimit annertuunit peqquteqartumik, kvartalip qaammataani siullerni marlunni aningaasartuutitik nuutsiniarnermik ajornartorsiuteqarnikuuvoq. Taamaattumik kvartalimut siullermut tullermullu nuutsinissat amerlasuut suliaripput.

Annertussutsinut nutaanut missingersuutit taakku tulluarsartariaqarnerannut pisariaqartitsisoqartoq paasineqarnikuuvoq - tamanna ingerlanneqaleruttoq, 2020-mi kvartalip siullit marluk ingerlanerani ingerlatsiviit siunertanut kodet atukkatik nutartertariaqalermatigit, ataatsimiititaliani allalluagaanerumik nalunaarusiamik tunniussisinnaanissamat. Taanna nutarsarneq kingunerissavaa sukkanersumik takusinnaalernissaa aningaasaqarnermut akuerisat atukkallu sukkanersumik immikkoortitersinnaalernerannik.

2020-mi kvartalimut tullermut oqimaaqatigiissitsilluni nalunaarusiaq aningaasaqarnermut immikkoortortamiit Atugarissaarnermut immikkoortortaqaarfimmut tunngasut ilanngussami takuneqarsinnaapput.

**Aningaasaqarnikkut allaffissornikkullu kingunerisinaasai**

Massakuugallartumut aningaasaqarnermi imaluunniit sulisoqarnermi kinguneqanngilaq. Sulisullu pikkorissartussat amerlapput, taanna pikkorissarnissaaq aningaasaqarnermut aqutsisoqarfik pilersaarusiorpaa. Atugarissaarnermut immikkoortortaqaarfik nalilersorpaali suli aningaasaqarnermut aqutsineq sukatiq ingerlanneqassaaq immikkoortortaqaarfimmi aamma illorsuup avataani sullissivinni.

**Allaffeqarfiup naliliinera**

Pisortat ataatsimoorussamik naatsorsuuserinermit systemip ERP sulisunut atuutilernissaa ajornakusoorsimavoq ilikkarnissaanut ilinniartitinerit siullit nammaginarsimanginnamik namminersorlutik oqartussaneersut IT-mik qitiusut sulianiit. Taamaammatt aningaasaqarnermut aqutsisoqarfimmiit ilitsersuineq Fujitsu suleqatigalugu ingerlanneqaqqissapput, kinguaatuulaarporli ilinniartitsinnaasut kalaallit nunaannut tikinnaveeramik. Sulianik sullissisut

anigaasaqarnermut sumut killinnersoq takusinnangorniarlugu iluamik ilinniartinneqannginnamik. Anigaasaqarnermut aqutsisoqarfik nalunaarpoq ukioq manna 2020 anigaasanik saqqummeeriatimik pilersitsissalluni. Anigaasaqarnerup immikkoortortaarfia nalilersortinneqarpoq qanoq immikkoortortaarfipput anigaasanik atuisimanera ullumimut killillugu. Nalilersuinerat imaappoq:

Atugarissaarnermut immikkoortortaarfik tamakkiisumik isigigaanni anigaasanik atuinerat ajunngilaq.

Atuineq ukiumut tamarmiusumut siammaraanni, atuineq qaammatit siullit tallimani 37,2%-imik procentimiissapput.

Atuiffinni anigaasanik akuerisanik (Maleruagassami kisitisimi 41,7% atorsinnaallutik).

Immikkoortissagaanni innuttaasunik sullissivik aammalu Atugarissaarnermi immikkoortortaarfik atuiallaarsimavoq 6,7 pointimik.

Atugarissaarnermut immikkoortortaarfik Maniitsoq atuineq katillugu 35,9%-imik annertussuseqarpoq

Atugarissaarnermut immikkoortortaarfik Sisimiut atuineq katillugu 37,3%-imik annertussuseqarluni.

Akiligassalli inissiinermi kommunip avataanut suli ilanngunneqarsimangillat, Namminersorlutik oqartussat akiligassat ataatsimut nassiusiisarnerat peqqutaalluni. Assiliarli allangornaviangilaq anigaasaqarnermut tunngasumik.

Immikkoortortalli amigaateqarput anigaasanik atuinermi anigaasat ukiumut atortitassallu missingiusiornerat:

Sisimiut innarluutilinnik sullivik PISOQ massakuugallartumik atuivallarpasippoq 13,8%-imik, utoqqaat angerlarsimaffiat 9,6%-imik .

Maniitsoq: Angerlarsimaffinni ikiorteqarfik 4,3% -imik, najugaqatigiiffiit 9,2%-imik.

Nalilersuinermi inerniliigallartoq unaavoq 17.juni 2020 tikillugu

Atugarissaarnermut immikkoortortaarfik anigaasaqarnermut ingerlatinerat pisussaminiippoq, tassani ilanngunneqarput immikkoortortata sisamat ilanngullugit aammalu innuttaasunik sullissivik.

Taakkunani immikkut taaneqartut misissorneqarluareerpata kingunerisinnagaa annertunngitsumik anigaasanik nuussisoqartariaqarnissaa takuneqarsinnaavoq.

### **Innersuussut**

Atugarissaarnermut immikkoortortap Atugarissaarnermut ataatsimiititaliamut innersuussutigaa akuereqqullugu

1. 2020-imi kvartal aappaani nalunaarut tusaasatissat tiguneqassasoq

### **Aalajangiineq**

Tusaatissatut tiguneqarpoq.

### **Ilanngussat**

1. Velfærd - 2 kv 2020 lavet 17062020

**Imm. 03 Sisimiuni Puigortunnortunut immikkoortortamik 20-nik inissalimik sanaartornermut atatillugu igaffimmik errorsisarfirmillu ingerlatseqatigiissinnaanermi sipaarutaasinnaasunik misissuineq.**

*Journalnr. 44.19*

Sanaartornissamut pilersaarut  
Suliniutip normua 243  
AP 080.056

Tunuliaqutaq

2020-mi maajip 19-ani Aningaasaqarnermut ataatsimiititaliap ataatsimiinnermini kommunalbestyrelsimut innersuussutigivaa, siunissami ingerlatsinikkut sipaaruteqartoqarsinnaaniassammat, igaffimmik errorsisarfirmillu pioreersumik atuisoqarsinnaanera pillugu misissuisoqassasoq, tamannalu 2020-mi maajip 28-ani Kommunalbestyrelsip ataatsimiinnermini akuersissutigalugu. Sanaartornermut pilersaarut inissiinissanillu toqqaaneq pillugit innersuussutit sinneri akuersissutigineqareerput.

Maleruagassatigut tunngavigisaaq

Qeqqata Kommuniata 2020-mut ukiunullu missiliuteqarfiusunut missingersuutai.

Pissutsit atuuttut

Atugarissaarnermut ataatsimiititaliap innersuussutai 2020-mi maajip 19-ani Aningaasaqarnermut ataatsimiititaliap ataatsimiinnermini suliarivai aammalu Kommunalbestyrelsimut innersuussutigalugu, siunissami ingerlatsinikkut sipaaruteqartoqarsinnaaniassammat, igaffimmik errorsisarfirmillu pioreersumik atuisoqarsinnaanera pillugu misissuisoqassasoq.

Sanaartortitsisup ataatsimiititaliaa tullinnguuttunik ilaasortaartoq Qupanummi pisortaq Peter Mattaaq, Atugarissaarnermut pisortaq Estella Buhrkall, Sanaartornermi immikkoortortami aqutsisoq Niels Mønsted, illoqarfimmik pilersaarusiortoq Christina Natalie Kompf aamma cand.ing Agathe Olsen Teknikkeqarnermut Avatangiisinullu immikkoortortameersaq 2020-mi juunip arfineq-pingajuani ataatsimiippat aammalu una eqqartorneqassasoq inerniliullugulu.

**Atugarissaarnermut Ataatsimiititaliap juni-p 24-ani 2020-imi ileqquusumik ataatsiminnera  
06/2020 - Imaqarniliaq**

Igaffik errorsisarfillu Qupanumi isumagineqalissappat, naliliigallarnermi sulisunik atortunillu annertusaanermik kinguneqassaaq;

Sulisoq	Amerlassusaat	Atortut	Kr.
Igaffimmi sulisut	2		600.000
	1	Nerisassanut qamutit matoqqasut	30.000
Biiliussisartog	1		235.000
	1	Biili, pickup	350.000
		Immikkut iganik qalatitsiviit	60.000
Errorsisarfimmi	2		500.000
	1	Panersiivik (Miele 20 kg)	110.000
	1	Immikkut errorsivik (Miele 20 kg)	210.000
	1	Manissaavik (PM1217 takissusaa 166cm)	90.000
Katillugit			2.185.000

Inissanut 20-nut missingersuutigineqarpoq ingerlanneqarneranut aningaasartuutissat kr. 12 mio/ukiumut ukiakkut 2023-mi inissinneqarumaartussat

"Ingerlatsivinni marluusuni igaffimmik errorsisarfimmiillu ataatsimoorussinermi, immikkoortut marluusut 2 km.-it missaanik imminnut ungasissuseqartut akornanni annertunerusumik angallassisoqarnissaanik pisariaqartitsinermik kinguneqassaaq. Taamaalillunilu igaffimmi sulisoqarnikkut sipaarutaasinnaagaluartut, biilnik ingerlassisumut biilinullu annertunerusumik aningaasartuuteqalernermit tussapput. Sapaatip akunnerata ulluini tamani nerisassanik kiisalu piffissani aalajangersimalluinnartuni angallassisoqartassaaq, taamaalilluni biilnik ingerlassisoq biilinnut piffissani taakkunani sulianut allanut atorneqarsinnaassanatik. Maannakkut Qupanuk ataasiinnarnik biileqarmat, taakkulu eqqiluinngitsunut (ilaatigut eqqagassat) aamma atorneqartarmata, nerisassanik assartuutaasussanik biilnik nutaanik pissarsiniarnissamik pisariaqartitsisoqassaaq. Innarluutilinnut bussit angallassinernut allanut atugassiaammata, nerisassanik assartuutitut atorneqarsinnaanngillat.

Igaffimmit ataatsimit kiisalu errorsisarfimmit ataatsimit najugaqarfinnik marlunnik sullissisoqarnermi, atortutigit ajortoortoqartillugu ingerlatsineq qajannarneruleratarsinnaavoq. Ataatsimoorussamik errorsisarfimmi imaluunniit ataatsimoorussamik igaffimmik ajutoortoqartillugu, najugaqarfiit marluusut tamarmik eqqugaassapput, biilinillu ajutoortoqartillugu imaluunniit apivataarsimaneranik silamik ajornartorsiuteqartillugu, puigortunngortunut immikkoortortaq nammineq errorsisarfeqarnngitsaq/igaffeqanngitsaq eqqugaassaaq. Nappaammik tuniluuttartumik tunillaattoqartillugu ataatsimoorussamik ingerlatsisoqartillugu najugaqarfiillu akornanni akulikitsumik angallassisoqartillugu, najugaqarfiit akornanni tuniluunneq ajornannginnerusumik ingerlaalissaaq. Najugaqarfiit namminerisamik errorsisarfeqartillugit igaffeqartillugillu, avataanit tuniluussinnaanermut immikkoortinneqarnissaat ajornannginnerussaaq.

Qupanummi errorsisarfik nalinginnaasumik ammasarfiup nalaani nalinginnaasumik atugassaqartitsinngilaq, tassa ataasinngornermiit tallimanngornermut kiisalu sapaatip akunnerata naanerini ataasiakkaatigut errorsisoqartarmat. Akiani puigortunngortunut immikkoortortaq aamma sullissinneqassappat, ualikkut / unnukkut errorsisarfimmi sulisussanik atorfinitsitsinissaaq pisariaqassaaq, taamatullu akissarsianut aningaasartuutit qaffasinnerussallutik.

Errorrassat allami errorneqarneratigut, puigortunngortut immikkoortortaani nutaami nunaminertatigut sipaaruteqarfiunaviangilaq, tassa suliffeqarfinni errorsiviit ini atortagaanni errorrassanut errorranullu katersuivittut atorreqartassamat. Maannakkut asaasut errorsinermik isumaginnittarput, avataanillu errorsisarnermi errorrassaasivinnik immikkoortiterisarnermut piffissamik atuinnitalissallutik. Siusinnerusukkut errorsisarfik pitsaanngitsumik inerneqarluni namminersortunngorsarneqarnikuvoq, ilaatigut naapertuutinnngitsumik errorranik piginnittunut eqqortunut immikkoortoterinermik annertuumik piffissamik atuisoqartarluni. Sanaartorerup aallartinneqarnerani suliffeqarfinnut errorsivinnut innaallagissamut-imermut kuuffissualiinerlu, kingusinnerusukkut ataatsimoorussamik errorsiveqarnerup peqqissimissutigineratigut, natilersuereermermi pilersitsinissamit akikinneruvoq.

Igaffimmut tunngatillugu Qupanummiit nerisassanik aatsisarnermut kiisalu nerisassanut poorisimasanik puugutarsuarnillu errorneqartussanik, sapaatip akunnerata naanera ilanngullugu, ullormut arlaleriarluni assartuinerit ingerlanneqartassapput, tamakkulu neriffissap nalaani aatsisarmissap ingerlanneqartarnissaa eqqarsaatigalugu, piffissami aalajangersimasumi pisassapput. Angallanermi pissutsini pitsaanngitsumik ulloqarnermi unammillernartoqartitsissaaq, tamannalu aquttunik tatiginartunik biilinillu ingerlalluarsinnaasunik ipeqanngitsunillu pisariaqartitsivoq. Nerisassanik angallassinermi ajutoorerup kingunerissavaa, allatigut angallassinissap (ass. taxanik) nassaartoqarnissaanut, nerisitsinissamik sulisut kinguartitsisariaqarnerinik. Angallassinermut piffissamik atuneq nerisassanik kissassimaartitsinissamik ajornakusoortitsisoqassaaq, nerisassallu kissaqqinneratigut pitsaassusaanik ajornerulersitsissalluni. Taamatuttaarlu aasaanerani sikut kingulerassat sassaalliutigineqannginnerini aaratarsinnaallutik. Qupanummi igaffik inunnut 100-it missaanik amerlassuseqartunut nerisassiuussisinnaavoq, taamaattumillu puigortunngortut immikkoortortaami inuit 30-t missaaniittunik pilersuisinnaavoq, igaffimmiulli pingasunut soraartarmata, puigortunngortut immikkoortortaanut unnukkorsiutinik assartuinissamut kiisalu sinnikunik igaffimmilu atortunik errugassanik tiguisussanik sulisunik amerlanerusunik atorfinitsitsisoqartariaqarluni. (tamanna Qupanummi najugaqartunut inulerisunit isumagineqartarpoq).

Tassangaannartumik allannguineranut kiisalu najugaqartunut peqqissartut nerisassaannik immikkullu nerisassiuunneqarnissamut, avataani igaffeqarnikkut ajornartorsiortitsisoqassaaq. Nerisassat sinnikuisa nillartaatitsivimmud inissinneqarnissaanut, sivisunerusumik assartorneqartarnerisigut taamaalillutillu piusinnaanerisa sivikillinerisigut atorluarneqarnissaat ajornarnerulissaaq, taamaalillunilu nerisassanik eqqaanermik annertusiinermik kinguneqassalluni. Avataanit nerisassanik assartuinikkut puigortunngortunut imikkoortortami nutaami nunaminertaminermik sipaaruteqartoqarsinnaavoq, errorsisarfitulli sanaartorerup nalaani igaffimmik pilersitsinermiit, kingusinnerusukkut igaffiliilluni sanaartorneq akisunerussaaq. Puigortunngortut immikkoortortaanut nutaamut avataanit nerisassanik assartuisoqartarnikkut, igaffimmi sulisunut sipaaruteqartoqarsinnaavoq, tamanna biilnik angallassisussanik, biilnik assartuinissamut usilersuisussanik/imaarsisussanut sulisunik aammalu igaffimmi sulisut pingasunut soraareernerisa kingorna, nerisassanik assartugassanik isumaginnittussanik igaffimmi sulisunit amerlanerusunik pisariaqartitsilerneqarpoq illuatungilerneqassaaq. Naggataatigut annertunerusumik orsussamik atuinerulerneq aammalu nerisassanik assartuinermut atortunillu sinnikunillu utertitsinermut biilnik atuinerulerneq kiisalu assartuineq patsisaalluni nerisassat iginneqartartut annertusineri atuilluartuunngillat".

Aningaasaqarnikkut allaffissornikkullu kingunerisinaasai  
Oqaaseqaateqanngilaq.

Allaffeqarfiup naliliinera

Inerniiliilluni naliliisoqarpoq, ataatsimoorussamik errorsiveqarnikkut igaffeqarnikkullu aningaasaqarnikkut sipaaruteqarfiunaviangitsoq, matumani biilnik ingerlatsisunut, biilnut

usilersornermut/imaajaanermullu sulisunut aningaasartuutit annertusinissaat patsisaavoq. Tamatuma saniatigut tuniluunnissamut assartuinernilu ajutoortoqarnissaanut najugaqarfiit qajannarnerussallutik. Nerisassat assartorneqartarnerisigut pitsaassusaat ajornerulissaaq kiisalu nerisassanik eqqaasarneq annertusissalluni. Naggataatigut Qupanummi errorsisarfik parlaattunik sulisoqarnissamut periarfissaqanngilaq, soorluttaaq puigortunngortunut immikkoortortamut nutaamut nerisassanik assartuisoqartassappat kiisalu atornikunik utertitsisoqartassappat, ualikkut unnukkullu igaffimmi sulisussanik pisariaqartitsisoqassaaq.

Akiani puigortunngortunut immikkoortortaq nutaaq 20-nik najugaqartussanut sanaartornissamut pilersaarummi, namminerisamik errorsisarfeqarnissamut igaffeqarnissamullu pisariaqartitsineq attatiinnarneqarpoq. Atuutilersinneqarnerata kingorna igaffissuarmit najugaqarfinnut ataasiakkaanut nerisassiortarnerup ilaata nuutsinneqarnissaa naapertuutissappat, tamanna suleqatigiit suleqatigalugit misissorneqarumaarpoq.

### **Innersuussut**

Atugarissaarnermut immikkoortortap Atugarissaarnermut ataatsimiititaliamut innersuussutigaa;

1. Inerniliussaq tusaatissatut tiguneqassasoq aammalu sanaartornissamut ingerlatsinissamullu missingersuutit Aningaasaqarnermut ataatsimiititaliamut akuerisassanngortillugit innersuussutigineqassasut

### **Aalajangiineq**

Missingersuutit aningaasaartuutissallu ersarissaaffigineqassapput Aningaasaqarnermut ataatsimiititaliamut ingerlateqqinnginnerani.

### **Ilanngussat**

1. Sanaartortitsisup suleqatigiissitaanit allakkiaq ullulerneqartoq 08.06.2020



## Suliassat naligninnaasut

### **Imm. 04 Kommunalbestyrelsimi ilaasortanut nalunaarutiginnittussaataaneq**

*Journalnr. XX.XX.XX*

#### Tunuliaqutaq

Atugarissaarnermi ataatsimiititaliap 2020-mi maajip aqqaneq-aappaani ataatsimiinnerani ataatsimiititaliami ilaasorta Erik Jensen sakkortusisamik nalunaartussaataaneq tunngatillugu kommunalbestyrelsimi ilaasortat pisussaataaffii pillugit apeqquteqaateqarpoq.

#### Maleruagassatigut tunngavigisaq:

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq § 16. Innuttaasoq kinaluunniit isumaginnittoqarfimmi, atuarfeqarfimmi peqqinnissaqarfimmiluunniit kiisalu ulluunerani paaqqinnittarfinni sulisunut sulinerminut atatillugu Inatsisartut Inatsisaat una malillugu meeqqamik ikiorserneqarnissamik pisariaqartitsisumik ilisimasaqaleruni, kommunalbestyrelsimut ingerlaannartumik nalunaaruteqarnissaminut sakkortunerusumik pisussaaffeqarpoq. Taamatuttaaq nalunaaruteqartussaataaneq pisussaaffik innuttaasunik qinikkanik imaluunniit inuiaqatigiinnik sullissinermik tunngaveqartumik suliaqartunut atuuppoq.

Imm. 2. Aammattaaq imm. 1 malillugu nalunaaruteqartussaataaneq aammattaaq atuuppoq sulisoq paasisaqarpat pasitsaasaqarpalluunniit angajoqqaanngortussat immikkut ikiorserneqarnissamik pisariaqartitsisut, tak. § 26.

Imm. 3. Sapaatip akunnera qaangiutsinnagu nalunaarutiginninneq tiguneqarpat kommunalbestyrelse sulisumut nalunaarutiginnittumut allakkatigut ilisimatitsissaaq nalunaarutiginninneq tigusimallugu.

#### Pissutsit atuuttut

#### **Kommunimi pisortaniluunniit sulisuutilluni nalunaarutiginninniarannilu?**

Qeqqata Kommuniani suleqataasutut nalunaarutiginninniaranni, ilanngussatut ilanngunneqarnikuusooq nalunaarutiginninnermut immersugassaq tamatigut atorineqartussaavoq. Qeqqata Kommuniani nalunaarutiginninnermik sukkaasumik suliarinninnissamut iluaqutaasusooq, paasisutissat atorlugit immersugassaq ilitsersuisuuvooq.

Pisortat sullissineranni inuk sulisuuppat imaluunniit meeraq inuusuttorluunniit pillugu suleqatigisaappat, pineqartorlu nalunaarutiginninniarpat, aamma nalunaarutiginninnermi immersugassaq atorineqassaaq. Qeqqata Kommuniani nalunaarutiginnissumik sukkaasumik suliaqarnermut iluaqutaasusaasumik, eqitsisikkut paasisutissat tulleriaarillutik ilitsersuipput.

#### **Nalunaaruteqarnissamut pisussaaffik sakkortunerusoq**

Meeraq ingerlanerliortoq aamma immaqqa annersagaasimasooq allatigulluunniit sumiginnagaasooq pillugu pasitsaasaqarqaraanni, suliaqartuusutut isumaginninnikkut oqartussanut sakkortusisamik nalunaartussaataasooqarpoq.

Pisussaaffik pisortani sulisunut, nakorsanut inunnullu najugaqarfinni sulisuusunut, angajoqqaarsianut, qimarnguinniittunut, katsorsaaneramik neqerooruteqartuniittunut imaluunniit namminersortunut pisortat ingerlataannik neqerooruteqartunut atuuppoq.

Innuttaasoq kinaluunniit isumaginnittoqarfimmi, atuarfeqarfimmi peqqinnissaqarfimmiluunniit kiisalu ulluunerani paaqqinnittarfinni sulisunut sulinerminut atatillugu Inatsisartut Inatsisaat una malillugu meeqqamik ikiorserneqarnissamik pisariaqartitsisumik ilisimasaqaleruni, kommunalbestyrelsimut ingerlaannartumik nalunaaruteqarnissaminut sakkortunerusumik

pisussaaffeqarpoq. Taamatuttaaq nalunaaruteqartussaataitaanermut pisussaaffik innuttaasunik qinikkanik imaluunniit inuiaqatigiinnik sullissinermik tunngaveqartumik suliaqartunut atuuppoq, tak. Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersumi § 16. Pisortani atorfillit aamma qinikkat, meeraq peqqissutsimigut ineriartorneranullu navianartumik inissisimaneranut ilisimasaqalerunik, kommunalbestyrelsimut nalunaarutiginninnissamut sakkortusisamik/annertusisamik pisussaaffeqarput.

Aamma isumaginninnikkut pigaarteq aqqutigalugu nalunaaruteqaraanni, malitsigisaanik nalunaarutiginninnerup nassuiarissaanut eqitsit ilanngussaq atorveqartussaavoq. Nalunaarutaasullu sulinerup iluani nalilersorneqarluassalluni. Ulloq unnuarlu isumaginninnermi pigaartunut nalunaartoqarsinnaavoq.

#### Atuilluartuunissakkut kingunerisinnaasai

Soraareernerup kingorna, meeqqanut inuusuttunullu tunngatillugu iliuuseqartoqarnissaani pisuni isumaginninnikkut pigaartumut kommunalbestyrelsimi ilaasortaq attaveqartarnissaa atuilluartuuneruvoq. Sulinerup nalaani kommunalbestyrelsimi ilaasortaq suliap ilungersunassusaanik nalilersuinissamut nalornissuteqarluni apequtissaqaruni Atugarissaarnermut immikkoortumut nalilersuititsinnaavoq tassangaanniillu pisariaqartinnerani Atugarissaarnermut immikkoortumut nalunaarutiginnittoqarluni.

#### Aningaasaqarnikkut allaffissornikkullu kingunerisinaasai

- Piffissami matumani aningaasaqarnikkut allaffissornikkullu kingunissaqanngimmat oqaaseqaatissaqanngilaq.

#### Allaffeqarfiup naliliinera

Atugarissaarnermut immikkoortortap nalilerpaa, qinikkatut nalunaartussaataitaanermut periuseq eqitsillu atoraanni, kommunalbestyrelsimi ilaasortatut nalunaarutiginnittut, Atugarissaarnermi immikkoortortami sulisutut, innuttaasutullu toqqissisimanermik pilersitsissasoq, nalunaarutiginninnerit tiguneqartut eqqortumik suliarineqartussaammata misissuinerillu sukkanerusumik aallartinneqarsinnaallutik.

#### **Innersuussut**

Atugarissaarnermut immikkoortortap Atugarissaarnermut Ataatsimiititaliamut innersuussutigaa

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutit ingerlateqqinneqassasoq

#### **Aalajangiineq**

Tusaatissatut tiguneqarpoq, suliarlu Kommunalbestyrelse-mut ilisimatitsissutit ingerlateqqinneqassaaq.

#### **Ilanngussat**

1. Skema 4 - Nalunaaruteqarnermi underretnings

**Imm. 05 Peqatigiiffik Kalaallit Meerartaanut kiisalu Peqatigiiffik Kalaallit Meerartaanit ukiumut nalunaarusiamut Qeqqata Kommunianit tapersiilluni allagaqaat pillugu ilisimatitsissut**

*Journalnr. 63.02*

Tunuliaqutaq

2019-imi marsip 13-iani Ilaqtariinnermut isumaginninnermullu ataatsimiititaliamit Qeqqata Kommunip Peqatigiiffik Kalaallit Meerartaasalu akornanni suleqatigiinnissamut isumaqatigiissut akuersissutigineqarpoq.

Kalaallit Nunaanni meeqqat inuusuttullu illersuisoqalersinneqarnissaat pillugu Peqatigiiffik Kalaallit Meerartaat 2014-imili ineriartortitsipput, pilersitsipput ingerlatsillutillu. Aallartimmalli Nuummi, Sisimiuni Maniitsumilu meeqqat inuusuttullu illersuisoqartinneqarput, soorluttaaq illoqarfinni taakkunani najorti aqqutigalugu illersuisussamik pilersitsisoqarluni ilinniartitsisoqarnikuusoq. Ilaatigut Kommuneqarfik Sermersooq suleqatigalugu, meeqqanik akuutsitsineq, meeqqanillu oqaloqatiginnittariaaseq pillugu isumasioqatigiissitsisoqarlunilu pikkorissaasooqarnikuvoq. Meeqqat Kalaallit Nunaanni sumiluunniit najugaqarunik najorti-mit illersuisoqarsinnaaqqullugit, nuna tamakkerlugu iliuuseqarnissaq qulakkeerumallugu Isumaginninnermi Aqutsisoqarfik suleqatigineqarpoq.

Aaqqiissut 2015-imili Sisimiuni Maniitsumilu ingerlanneqarpoq.

Maleruagassatigut tunngavigisag

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersumi § 44:

§ 44. Kommunalbestyrelsip suliarinninneranut atatillugu meeqqap ikiorserneqarnissaanut suliniuteqarnermik aallartitsinermi, meeqqap meeqqanik illersuisumit ikiorneqarnissaa neqeroortigisinnaavaa. Suliap suliarineqarnerata nalaani meeqqanik illersuisup meeqqap pisinnaatitaaffiinik qulakkeerinninnissaq aammalu meeqqap tusarneqarnissaa peqataaffigissavai. Meeqqanik illersuisup meeqqat atugaat suliamigut immikkut paasisimasaqarfigissavai imaluunniit meeqqanik illersuisussatut pikkorissarsimassalluni.

Pissutsit atuuttut

Suleqatigiinneq tunngavigalugu, ukiut tamaasa Qeqqata kommunia ukiumut nalunaarummik tigusisarpoq. Ukioq manna tapersiinnermik allakkiortoqarpoq, taamaalilluni aaqqiissutip Aningaasanut inatsisinut ilanngunneqarnissaanut Peqatigiiffik Kalaallit Meerartaasa suliniutaa, Qeqqata Kommunianit taperserneqarluni.

Piffissami maannakkut Peqatigiiffik Kalaallit Meerartaanut kommuni ukiumut 75.000 koruuninik akiliuteqartarpoq, akiliuteqarnikkullu kommunimi meeqqat illuatungaasiunngitsumik illersuisoqarnissaat qulakkeerneqassalluni kiisalu sullissisunat pikkorissartitsinernut saqqummiinnullu atatillugu, angalanermut najugaqarnermullu akiliuteqartarluni.

Atuilluartaunissakkut kingunerisinnaasai

Kommunimi meeqqat isumaginnittoqarfimmit suliarineqartut pisariaqartitaminnik tapersorneqarnissaat, Illersuisoqartitsisarnermik aaqqissuussineq qulakkeerinneqataavoq. Tamanna meeqqanut atugarisaartitsilluni, pisariaqartitaannillu ikiorserneqartarlutik, inuiaqatigiinni atuilluarnermik kinguneqassaaq.

Aningaasaqarnikkut allaffissornikkullu kingunerisinaasai

Aaqqiissut Aningaasanut inatsimmut ilanngunneqarpat, kommunip ukiumut Peqatigiiffik Kalaallit Meerartaanut 75.000 koruuninik akiliuteqartarnera atorunnaassaaq.

Allaffeqarfiup naliliinera

Atugarissaarnermut immikkoortortaq naliliivoq, aaqqiissutip Aningaasanut inatsimmut ilanngunneqarnissaanut Peqatigiiffik Kalaallit Meerartaat kommunip tapersersuina iluaqutaassasoq.

**Innersuussut**

Atugarissaarnermut immikkoortortap Atugarissaarnermut Ataatsimiititaliamut innersuussutigaa

- paasissutissiissut tusaatissatut tiguneqassasoq
- suliaq kommunalbestyrelsimut ingerlateqqinneqassasoq

**Aalajangiineq**

Tusaatissatut tiguneqarpoq, suliarlu Kommunalbestyrelse-mut ingerlateqqinneqassaaq.

**Ilanngussat**

1. Tapersiilluni allakkiaq
2. Peqatigiiffik Kalaallit Meerartaanit 2019-imut ukiumut nalunaarusiaq

### Paasissutissiissutit

#### **Imm. 06 Ilisimatitsissut inuit innarluutilinnut tapersorsorneqarnissaat pillugu nalunaarutaanik tusarniaaneq**

*Journalnr. 47.00*

#### Tunuliaqutaq

Isumaginninnermut Inatsisinillu Atuutsitsinermit Naalackersuisoqarfik 2020-mi maajip aallaqqaataani siunnersuummik nassiussivoq: Inuit innarluutillit tapersorsorneqarnissaannut Namminersorlutik Oqartussat nalunaarutaat nr. xx, xx.xxx 2020-meersoq” pillugu Qeqqata Kommunanut tusarniutigineqartoq.

#### Maleruagassatigut tunngavigisaaq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq.

#### Pissutsit atuuttut

Tusarniaanermi akissut Atugarissaarnermut Immikkoortortap pisortaanerullu sulisuinit suliarineqarpoq. Nalunaarusiami tusarniutigineqartumi §§ 6, 7 aamma 8-mut allannguutitik imaqarpoq, ilaatigut inummik ulluinnarni inummut innarluutilimmut nammineq najukkaminiittumut aammalu tapersorsorneqarnissamik isumassorneqarnissamillu aningaasaliiffigineqarsimasumut ullormut isumassuisussamik kommunip atorfinitsitsinerani atugassarititaasussat piunasaqaataasussallu pillugit aalajangersakkanik imaqarpoq; oqilisaassinisaaq pillugu aalajangersakkanik imaqarpoq, tamatumunnga ilanngullugit pilersuinissamut isumaqatigiissusiornerit akiliuteqartarnerlu, kiisalu oqilisaassilluni najugaqartitsinermit akissarsiaqartitsisarnisaaq pillugit malittarisassanik imaqarluni. Tusarniaanermut akissuteqaat Isumaginninnermut Inatsisinillu Atuutitsinermit Naalackersuisoqarfimmut majip 13-iani 2020-imi nassiunneqarput.

#### Atuilluartuunissakkut kingunerisinnaasai

Nalunarummi allannguutit erseqqissarneqarnerat atuilluartuuneruvoq, taamaalilluni ataatsimut paaseqatigiinnisaaq qulakkeerneqassamat. Tamanna innutaasunik sullissinnermut pitsannorsaaqataassaaq.

#### Aningaasaqarnikkut allaffissornikkullu kingunerisinaasai

Tusarniummut akissuteqaat allaffissornikkut aningaasaqarnikkulluunniit kinguneqarnissaa naatsorsuutigineqanngilaq.

Tusarniutigineqarneranut allakkat malitsigisaanik kommune aningaasartuuteqarnerulissagalarpat, Inatsisartut inatsisaani aalajangersakkat nalunaarusiornikkut piviusunngortitsinissaannut sillimmatinut Namminersorlutik Oqartussat immikkoortinnikuusaannut ilaatinneqassaaq.

#### Allaffeqarfiup naliliinera

Qeqqata Kommunia tusarniaanermi akissuteqaatinik tullinnguuttunik suliaqarnikuuvoq: Nalunaarutaasimasumut siullermut sanilliullugu ersarissaanerummat, nalunaarummi allannguutit pingaarnerit Qeqqata Kommuniata tapersorsorpai.

§ 1 imm. 7 tunngatillugu kalaallisut aalajangersimasumik oqaasertassat Qeqqata Kommuniata tiguneqarnissaat amigaatigivaa. Maannakkuugallartoq aalajangersimasumik malitassat qallunaatoortut kommunip tulluarsarnikuusai atorneqarput. Aalajangersimasumik malitassat inaarutaasut taakku qaqugu tigunissaat Qeqqata Kommuniata naatsorsuutigisinnaavaa?

§ 4-mut tunngatillugu: Illersuisunut pikkorissaanermi kommunimut aningaasaqarnikkut kinguneqassavaa?

§ 8 imm. 1-imut tunngatillugu: Pilersuisussaataasup akissarsiaqartitaanissaannut aammalu angajoqqaarsianut akissarsiaqarnissaannut akigititanut Qeqqata Kommunια ilisimannippoq, kisianni tulluarsaalluni akigititassamut procenti atorneqartoq ilisimanissaa kissaatigaarput. Taakku saniatigut meeqqap innarluutaanut immikkullu pisariaqartitanut eqqarsaatiginnittumik, paarsinersiutit qanoq uuttorneqartarnerannut ilitsersuummik ersarinnerusumik Qeqqata Kommunια kissaateqarpoq. Tusarniaanermut akissut allaffissornikkut suliarineqarpoq.

### **Innersuussut**

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

- tusarniummut akissuteqaat pillugu ilisimatitsissut tusaatissatut tiguneqassasoq

### **Aaliangerneq**

Tusaatissatut tiguneqarpoq, innersuussutigineqarporlu Namminersorlutik Oqartussaniit kalaallisut oqaatsit ataqqinerunissaat. Ataatsimiititaliaq sinnerulugu siulittaasup atsiugaanik uparuaammik Namminersorlutik Oqartussanut allagaqaasiortoqassaaq nassiussisoqarlunilu.

### **Ilanngussat**

1. Inuit innarluutillit tapersorsorneqarnissaannut Namminersorlutik Oqartussat nalunaarutaanik tusarniaaneq
2. Uunga siunnersuut: Inuit innarluutillit tapersorsorneqarnissaannut Namminersorlutik Oqartussat nalunaarutissaat nr. xx, xx. xxx 2020-meersoq

**Imm. 07 Tamalaat**

Erik Jensen, bugdetseminareqarnissaq, Maniitsumi angalanissaq innuttaasunullu ataatsimiisitsinissaq pillugit apeqquteqarpoq, tamannalu pisortaanerup akissuteqarfigai. Pitsaanerutinngarporlu Atugarissaarnermut ataatsimiititaliaq piffissami allami Maniitsumut angalaqatiginiissaat.